


TEZAU LITURGIC
28 DECEMBRIE

SLUJBA
SF. IERARH-MUCENIC
NICODIM
KONONOV,
EPISCOPUL
BELGORODULUI



MOSCOVA, 2000



Месяца декабря в 28-й день Служба священномученику Никодиму, епископу Белгородскому

На малей вечерни

На Господи, возвах: стихиры, глас 1.

Подобен: Небесных чинов:

Возсия Небесный свет Христов в души твоей, отче блаженне Никодиме, и возродися, яко крин сельный, отрасль благочестия в сердца твоем, и процвете и даде плод красен спасительнаго сеяния.

Возлюбил еси доброту Небесную паче благ земных, в юношеских летех ко Христу сердцем прилепился еси и жаждущую Бога душу богомыслием питал еси, тако и по заповедем Божиим поживе, яко добрый сын, к Отцу Небесному с радостию возшел еси, святителю Никодиме.

Возжада душа твоя Бога Крепкаго Живаго, и притекл еси волею в благословенныя объятия Отча, яко блудный сын, со Адамом вкупе рыдая и стенья о потерянном блаженстве райстем, егоже сладости ныне непрестанно наслаждаешься.

Добрый подвигом подвизался еси, саном священства облеченный, благодарение Богу за вся приносил еси, очи сердечныя горе возводя, труды к трудам прилагал еси, Владыку умилоствляя, и чистым сердцем Духа Святаго прияти сподобился еси, священномучениче Никодиме.

Слава, глас 8:

Многими подвиги и труды плоть свою измождил еси, ветхаго человека в себе умерщвляя, сердце сокршенное в себе явил еси, и за сие слезы благодатнаго умиления стяжал еси, богомудре Никодиме, и яко сеявый слезами, радость непрестанную пожал еси. Темже молим тя, испроси нам у Господа тоя радости выну причащаться.

И ныне, Богородичен, глас 8:

Имамы Тя молитвеницу неотступную к Богу, Мати Божия, молим Тя, Благая, град наш и веси сохрани и всю землю Русскую покровом Твоим милостивно осени, сердца наша во благочестии утверди и спаси души наша.

На стиховне стихиры, глас 4:

Дарова ти Господь таланты мнози, яже ты весьма преумножил еси, о подвижницех благочестия жития составляя, и сам духом тех утверждался еси, добронравное житие свое

являя, с нимиже и прославился еси. Темже молим тя, святителю Никодиме, моли Бога о нас грешных.

Стих: Насаждени в дому Господни, во дворех Бога нашего процветут.

Землю сердца твоего непрестанно воздѣлывал еси, самоуничижением и укорением добре ю взрыхляя, плевелы высокоумия смиренномудрием исторгл еси, и чистыми источницы слез твоих обильно оросил еси и, яко добрый делатель Христов, плод вечнаго жития стяжал еси, смиренномудре Никодиме.

Стих: Праведник, яко финикс процветет, яко кедр, иже в Ливане, умножится.

Дарова ти Господь в терпении Евангельстем стяжати душу твою, егда богоборческая година лютая нападе на Землю Русскую, ты вся находящая на тя злая мужественне претерпел еси и кровьми своими ризы святительстии обagrив, яко пастырь и мученик добропобедный в Небеснем Царствии венчался еси. Темже молим Тя, священномучениче Никодиме, победи вся, воюющия на ны.

Слава, глас 2.

Подобен: Егда от древа:

Жертву безкровную на земли приносил еси, яко истинный служитель Христа Бога, Тому же со страхом и трепетом предстоял еси, ныне же

Престолу Небесному предстояще, моли Бога о нас грешных, празднующих святую память твою.

И ныне, Богородичен, глас тойже:
Велия тайна Божия содеяшеса на Тебе, Дево Богородице Пречистая, вси бо мы земнороднии пред сею тайною благоговеим, и молим из Тебе воплотившагося Бога и Господа нашего Иисуса Христа о спасении душ наших.

Тропарь, глас 4:

Апостолом сопредстольне и святителем единомравне, / образом благочестия просиял еси, / неленостный сеятелю слова Божия, / достойный приемниче святителя Иоасафа, / Белгородскую паству верно упасл еси / и кровию мученическою любовь к Церкви Христовой показал еси, / темже молим тя, священномучениче Никодиме, моли Бога о спасении душ наших. (Дважды)

Тропарь Рождества Христова:

Слава, и ныне, Богородичен:

Твоим Рождеством, Пречистая Дево, род человеческий спасеся от тления, сего ради молим Тя, испроси нам у Господа Иисуса Христа нетленные ризы спасения и приснаго с Ним пребывания.

На велицей вечерни

Блажен муж: 1-й антифон.

На Господи, возвах: стихирьы, глас 8.

Подобен: О преславнаго чудесе:

Дивное Промышление Божие явися о тебе, святче Никодиме, яко устрои в житии твоём встречу с Иоанном Российским чудотворцем, им же ты в благочестии и вере утвежденный, благодатными беседами сердце насладил еси, любовь к Богу пламенея, Ему же ныне с Иоанном пастырем Кронштадтским предстояще, молися о нас, славящих пречестное имя твое. Возлюби душа твоя святителя Белгородскаго Иоасафа, его же писании твоими дивно прославил еси, умоляя о спасении души твоея, и не оставит я молитвеник крепкий тщетна, испросише у Господа ти кончину чудну, мучеником сопричастну. Темже молим тя, священномучениче Никодиме, вкупе со святителем Иоасафом, моли Христа Бога даровати душам нашим велию милость. Нощная тма безбожия объяла землю Русскую, и угасоша светильницы благочестия в сердцах христьянских. Ты же, отче святителю Никодиме, Свет Христов выну приявый, озарил еси всю вселенную. Темже молим тя просвети помраченныя страстьми души наша, да

вселится в нас Свет Невещественный Божия
благодати

Слава, глас 5.

Подобен: Радуйся, Живоносный Кресте:
Милостивому архипастырю Иоасафу подражая,
и сам милостив сотворился еси, на страдания и
нищету вдов и сирот призревая, братство любви
и помощи во имя святителя Белгородскаго
учредил еси, егоже молитвами на оную кафедру
достойно возшел еси. Темже молим тя,
досточудне святителю Никодиме, не остави нас
сырых и беспомощных молитвенным твоим
предстательством.

И ныне, Богородичен догматик.

Вход. Прокимен дне. И чтения три.

Притчей чтение: **Память праведнаго:**

Премудрости Соломоновы чтение: **Уста
праведнаго каплют премудрость:**

Премудрости соломоновы чтение: **Праведник
аще постигнет: или Похваляемому праведнику
возвеселятся людие:**

На литии стихиры, глас 2.

Подобен: Егда от древа:

Возлюбил еси, яко мудрый муж, безсмертие и
потщался еси душу и тело твое в благочестии

соблюдати, благоуханием девственаго целомудрия Богу приятное сотворил еси и со ангельскими лики в Небеснем Царствии вселился еси, священномучениче Никодиме, моли Бога в чистоте сохранитися нам.

Возгорися на Земли Белгородстей новый светильник Божия благодати и озари нас светом Небесных радости. Темже молим тя, угодниче Христов святителю Никодиме, просвети нас Светом Христовым, да очистимся от всякия нечистоты.

Блажен ты еси, отче Никодиме, яко обрел еси спасительную премудрость Божию, та бо и приведе тя к Премудрому, научающему верных истине и исподняящему сердца Духа Святаго.

Слава, глас 6:

Дивны дела сотворише Господь, егда явил есть милость Свою на граде сем, дарова нам два молитвеника чудна, святителя Иоасафа милостиваго и о нас попечителя священномученика Никодима, сирых и убогих питателя.

И ныне, Богородичен, глас 6:

Тучи злых помышлений сердец наших разгони, Богородице, и возсияй в них лучи благодатных устремлений, Ты бо Солнце Умное Христа родила еси, Пренепорочная Дево.

На стиховне стихирьы, глас 5.

Подобен: Радуйся:

Приидите, празднлюбцы боголюбивии, убожам песенными похвалы мученика добропобеднаго, иерарха именованаго, достоуважаемаго Никодима, той бо апостолом Христовым соревнуя, проповедник слова Божия неутомимый явился еси, нечестие ереси обновленческаго честно обличил еси, с нечестивыми богоборцы на совет не ходил еси. Темже блаженным мужем давидски нареклся еси.

Стих: Насаждения в дому Господни, во дворех Бога нашего процветут.

Приидите, мучениколюбцы честнии, соплетем похвальный венец священномученику Никодиму, достойному архиерею Божию, яко подвиг добре совершил еси, веру соблюл еси и себе, яко овча словесное, в благоуханную жертву Богу принесл еси.

Стих: Праведник яко финикс процветет, яко кедр, иже в Ливане, умножится.

Киими похвалы возвеличим имя твое, славный друже Христов святителю отче Никодиме, кто возможет выразить словом велию любовь твою к Богу, тая же приведе тя на твою Голгофу, ты же со креста страданий духом к Богу вознесся еси, смиренно убийц своих благословил еси и в

Царство Любви вечныя с кротцыми вселился еси.

Слава, глас 2.

Подобен: Егда от древа:

Кое слово достойно изреши славу твою, юже улучил еси от руки Божия? Кое слово выразит радость сердца твоего, еюже исполнился еси в Царстве блаженных? Кой ум выразит награду твою, еюже наградил тя за верность Отец Небесный? С Нимже присно царствующе, святителю Никодиме, воздохни о нас ко Господу, да и мы блаженство райское наследуем.

И ныне, Богородичен, глас тойже:

Дева днесь Пресущественнаго раждает, тако сладкогласно воспевае ныне Святая Церковь Христова, и мы, яко Вифлиемстии пастырие, чудеси сему дивящися, величаем рождшагося Бога.

На утрени

На Бог Господь: тропарь Рождества дважды.

Слава, тропарь святаго, глас 4:

Апостолом сопредстольне и святителем единомравне, / образом благочестия просиял еси, / неленостный сеятелю слова Божия, / достойный приемниче святителя Иоасафа, / Белгородскую паству верно упасл еси / и кровию мученическою любовь к Церкви

Христовой показал еси, / темже молим тя,
священномучениче Никодиме, моли Бога о
спасении душ наших.

И ныне, Богородичен.

По 1-м стихословии седален, глас 4:

Нищетою духовною премного обогатился еси,
святителю Никодиме, и правды Божия
ненасытно алкал еси, темже и насыти тя
Господь пищи нетленныя и неизреченно обогати
тя, дарова в наследие Царство Свое.

Слава, и ныне, Богородичен:

Рождеству Твоему, Пречистая Дево, умиляемся и
рожденному от Тебе Христу Богу верно
поклоняемся, и в молитвеники за ны приводим
вси святии и священномученика Никодима
достославнаго.

По 2-м стихословии седален, глас 2:

Венчался еси славою нетленною, возлюбивый
Бога паче живота своего и от смерти к Животу
Вечному в невечерии прешел еси. Темже на Свет
незаходимый взирающе, моли о нас, святителю
Никодиме, чтущих память твою.

Слава, и ныне, Богородичен:

Источницы воднии изведе из очес наших, Мати
Божия, да умягчатся и умилятся сердца наша,

камени подобнии, и истают, яко воск, от любви к рожденному от Тебе Христу.

По полиелеи седален, глас 4:

Егда лихие богоборцы истязаша тя, крепкодушне святителю Никодиме, ты в сердца своем злбу коварных князей воздушных победил еси, и яко истинный друг Христов, о прощении убийц Бога молил еси. Сего ради молим тя, даруй и нам таковое незлобие.

Слава, и ныне, Богородичен:

Просияла еси светом Рождества Твоего и прославилася еси в родех родов, Богоблаженная Отроковице, Жениха Церковнаго миру даровавшая.

По Евангелии стихира, глас 6.

Подобен: Все отложше:

Духа Святаго жилище преславное и благодати вместилище предивное ты еси, отче блаженне Никодиме, велегласный проповедник слова Божия и истинный наставник благочестия. Темже молим тя даруй нам спасительная разумети, от душетленных же сердцем отвращатися, да сопричтет нас Великий Работодатель с делателями единонадесятаго часа с верою потрудившихся.

Канон, глас 2, егоже краегранесие: Ищите прежде Царствия Небеснаго, и все спасетесь.

Песнь 1

Ирмос: Грядите, людие, поим песнь Христу Богу, раздельшему море, и наставльшему люди, яже изведе из работы египетския, яко прославися.

Припев: Священномучениче Никодиме, моли Бога о нас.

Иерусалима Вышняго взыска душа твоя, к немуже неуклонно в житии твоём шествуя, соделался еси гражданином Небеснаго Отечества, богомудре Никодиме.

Щедролюбивая душа твоя весьма любезна бе Богу. Тойже виде страннолюбие твое, святителю Никодиме, ущедри ты паче всякаго смысла.

Темже молим тя: даруй нам сердце милостивое. Имамы ты молитвеника крепкаго к Богу. Темже, отче прславне, воздежи чистии руце твоя и испроси нам у Господа выну в сердцах Бога имати и в заповедех Его неуклонно ходити Тебе, святителю Христов, усердно молимся и в сокрушении сердец наших слезно вопием: умоли Щедродавца Бога грехов и беззаконий наших не помянути и на Страшнем Суде оправдание даровати.

Богородичен: Еже паче всякаго разумения единаго от Троицы нетленно рождшая Господа и

Бога нашего Иисуса Христа, Он же спасение нам дарует, и яко кокош птенцев Своих, благодатию сердца верных питает.

Песнь 3

Ирмос: Утверди нас в Тебе, Господи, древом умерщвлей грех, и страх Твой всади в сердца нас поющих Тя.

Покоя не дал еси скраниама твоима и веждама твоима дремания дондеже возсия в сердца твоем Христос. Егоже светом просвещаем, познал еси законы бытия вечнаго.

Разум божественный имея, устроял еси добре храмину души твоея. Егда же волны диавольских козней восхотеша поколебати ю, твердо стояше, основана бо бе на незыблемом камени веры Христовой.

Егда богоборцы лютыя восхотеша уничтожити Церковь Христову, ты яко дорый воин Царя Небеснаго на защиту ея устремился еси, нещадно словом святительским безбожных обличая, пред очи тех Суд Божий возвещая, и претя им вечными муками.

Богородичен: Живота вечнаго Благоутробная Мати, Пресвятая Дево Богородице, живот мой соблюди во страхе Божиим и даруй души моей мир и велию милость.

Седален:

Духом Божественным просвещаем, немощную дерзость мучителей посрамил еси, благословением пастырским сердца агарянских слуг умягчил еси и отказашася убивати тя, Божия служителя.

Слава, и ныне, Богородичен:

Египетскаго рабства злобнаго мучителя избегнув, яко новыя Израильтяне, умиленно прославляем имя Твое, всехвальная Богородице, рождшая победителя фараона мысленаго.

Песнь 4

Ирмос: Услышах, Господи, славное Твое смотрение, и прославих, Человеколюбче, непостижимую Твою силу.

Царюющих безбожников злобу презрел еси, добрыми помышлениями сердце свое питая, паству свою усердно в слове Божии поучая, добрым пастырем от Небеснаго Пастыреначальника нареклся еси.

Агарянское нашествие богоборцев во всеоружии сретил еси, духа любви не угашая, многия сердца любовью к Богу воспламенил еси и мученическим подвигом в стоянии за Истину утвердил еси, богомудре отче Никодиме.

Ревнуя о чистоте Православия, с нечестивыми обновленцы в сговор не вступил еси, ересь тех

пред паствой обличая. Темже молим тя, святителю Никодиме, даруй нам крепость духовную в исповедании имени Христова. Струями кровей обagriшеса тело твое честное, многострадальне отче Никодиме, люте бо уязвлен был еси многими раны, дух же твой непреклонен явился в Горняя воспаривый и в Господе упокоивыйся.

Богородичен: Твои певцы, Богородице, ущедри, Ты бо еси независтная подательнице всякия благи. Темже вопием Ти: испроси нам у Господа вящшего разумения, како достойно славити Тя, превышшую всякия славы.

Песнь 5

Ирмос: Света Подателю и веков Творче, Господи, во свете Твоих повелений настави нас, разве бо Тебе инаго Бога не знаем. Вся возмогл еси о укрепляющем тя Господе, святителю Божий Никодиме, жезлом веры ереси уязвляя и лукавство бесовское именем Иисусовым далече отгоняя. Темже молися о нас, да не впадем в злокозненныя сети вражия. Источнику света непрестанно моливыйся, да осияет сердце твое светом Христовым, с Нимже в невечернем свете пакибытия водворивыйся вкупе с новомученики Российскими моли о нас, грешных сродницех твоих земных,

достоблаженне Никодиме.

Ярче солнца видимаго свет твой возсия в Церкви Христовой, о подвиге твоём во имя Христа свидетельствуя. Темже мужество твоё прославляюще, святителю Никодиме, светло празднуем святую память твою.

Богородичен: Непобедимая Победо и Стена нерушимая, Взбранная Воеводо, Богородице Дево, страшная бесовом язва. Темже во умилении взываем Ти: защити нас от коварства змия древняго, злобно воюющаго на ны.

Песнь 6

Ирмос: В бездне греховней валяся, неизследную милосердия Твоего призываю бездну. От тли, Боже, мя возведи.

Емляся за ризу Христову в помышлении сердца твоего верою спасся еси, огненное искушение страданий мужествене претерпе, яко злато очистился еси. Темже моли, отче святителю Никодиме, о прощении грехов и прегрешений наших, да не впадем в ров нечувствия и нерадения.

Божиим глаголам сердцем внимая, в терпении твоём стяжал еси душу свою, не убоялся еси убивающих тело, души же не могущих убить, и яко вся заповеданная исполнимый и паству свою научимый, велий в Царствии Небеснем

нареклся еси.

Елеем милости наполнил еси лампаду души твоя и Жениха Небеснаго со светильником горящим, богомудре Никодиме, сретил еси, с Ним же и вошел еси на брачную вечерю.

Богородичен: Сын Божий ублажи девственную утробу Твою, восхоте от чистых кровей Твоих человеческое естество воспряти. Темже вси ублажаем Тя, яко Богородительницу.

Кондак, глас 1:

Наследниче Божественных дарований / и
собеседниче ангельских ликів Небесных, /
добрый делателю винограда Христова, /
священномучениче Никодиме, / Белгородския
земли неусыпный молитвениче / и всея России
веля похвало, / ты яко жертва благоприятная,
/ Богу выну предстоиши / и молиши о спасении
душ наших.

Икос

Аще и пожил еси на земли, яко человек, обаче
нравом своим и чистотою души твоя ангелом
Небесным уподобился еси, егда же возсия в тебе
сила Христова, и властно Дух Святыи позва тя
на подвиг, ты ничтоже сумняся, на зов Божий
скоро потекл еси и добре подвиг скончал еси и в
Царстве Славы от Подвигоположника Христа

нетленною славою увенчался еси. Темже вопием ти: святителю Никодиме: радуйся, архиерее достоблаженне; радуйся, мучениче непобедимый; радуйся, вечныя славы наследниче неизменный.

Песнь 7

Ирмос: Образу златому, на поле Деире служиму, трие Твои отроцы небрегоша безбожнаго веления, посреде же огня ввержени, пояху: благословен еси, Боже отец наших.

Горе умом непрестанно возносивыйся, страстныя помыслы и двизания души твоя огненно находящая на тя, именем Иисусовым прохладительно орошал еси, и яко отроцы вавилонския неврежденно пел еси: благословен еси, Боже отец наших.

Огненное страдание рососою упования на милость Божию претерпел еси, сердцем поя: благословен еси, Боже отец наших.

Именем Божиим и делами благочестия сердца паствы пробуждал еси, к Богу истинному их взоры обращая, научал еси пети: благословен еси, Боже отец наших.

В Небесных селениих достойно веселяся, отче блаженне Никодиме, призри на ны немощныя и грешныя чада твоя духовныя, исцели нас от недугов душевных и телесных, да благодарно

возопием Богу: благословен еси, Боже отец наших.

Богородичен: Света Небеснаго истинное жилище, Солнце Невещественное миру даровавшая, отверзи умныя очи сердечныя, Мати Божия, да узрим Свет Христов, с любовию поюще: благословен еси, Боже отец наших.

Песнь 8

Ирмос: В пещь огненную ко отроком еврейским снизшедшаго, и пламень в росу преложшаго Бога пойте, дела, яко Господа, и превозносите во вся веки.

Естество падшаго Адама безжалостно отвергнув, во Христа облеклся еси, с Ним и умер еси, с Ним и воскресл еси, с Ним и воцарился еси во вся веки.

Со Христом соцарствуеши ныне, боголюбиве отче, и песнь победную со святители воспеваеши, яко от великия скорби пришел еси и себя в жертву мученически принесл еси возлюбившему тя Господу.

Постом и молитвою Богу послужил еси, воздержанием тело умерщвляя, дух свой оживил еси и на земли духовно, яко ангел поживе, ангелом сопричтен, святе Никодиме.

Богородичен: Агнице Неискусомужня, Агнца Незлобиваго, за грехи всего мира закланнаго,

нестудно родила еси. Темже мы, избавлении от смерти вечныя, достождождно тя величаем.

Песнь 9

Ирмос: От Бога Бога Слова, неизреченною мудростию пришедшаго обновити Адама, ядию в тление падшаго люте, от Святыя Девы неизреченно воплотившагося нас ради, вернии, единомудрено песньми величаем.

Светоносную память радостотворнаго жития твоего со святыми празднующе, душами просвещаемся и причастницы Света Небеснаго являемся, посему песненными похвалами ты достойно ублажаем.

Егоже поют Ангели Небесныя и славословят Херувими, Страшнаго во Святыни Своей Вседержителя Бога выну созерцаеши в Небесней Славе, священномучениче Никодиме. Егоже моли, да не попалит нас огнем гнева Своего за премногия грехи наша.

Твоим ходатайством грешники от греховныя жизни отвращаются, сластолюбцы к воздержанию прилепляются, ленивии трудолюбцами становятся и всякая язя скоро врачуется.

Богородичен: Егда совестная деяния обличатися будут, егда вси людие пред Грозным Судиею в страхе и трепете предстанут, тогда не премолчи,

Богородице, воздежи богоноснии руке Твои и вкупе со священномучеником Никодимом и со всеми святыми моли Бога о спасении душ наших.

Светилен:

Светоносный отче, ангелом Небесным сотаинниче, светом Христовым озари наша темная души и, яко в сени смертней грехов и страстей сидящая, узрим Свет Непрístupный, славяще Бога дивнаго во святых Своих.

Богородичен:

Яко Светоносная Сене Небесная, духовную благодать в нас направи и вечнаго геенскаго огня исхити, да безконечно славим имя Твое, со избранными вопиюще: радуйся, Благодатная Богородице Дево, даровавшая нам спасение.

На хвалитех стихиры, глас 1.

Подобен: Небесных чинов:

Водворился еси в дому Господни и яко финикс благодатию процвел еси и яко кедр добродетельми умножился еси, и яко маслина плодовитая, в саду райстем рукою Божию насадился еси, достоблаженне отче Никодиме. Червленными мученическими ризы, яко виссоном многоценным украсился еси и на брачную вечерю Господню со избранными вшел еси,

идеже выну веселяся, не забуди нас, во юдоли плачевней пребывающих, добропобедне Никодиме.

Не довлеет похвала наша к славе твоей, священномучениче Никодиме, слава бо твоя паче солнца вещественного сияет и радость неизреченная боголюбивое сердце твое исполняет, торжествуеши бо в Церкви святых, преславне отче.

Слава, глас 8.

Подобен: О преславнаго чудесе:

Яко адамант твердейший верою просиял еси, учение Христово в сердце приемый, и яко мудрый купец, бисер безценный - Христа стяжал еси, Егоже лик пресветлый зряще, моли о всех, чтущих память твою, священномучениче Никодиме, Христу Богу возлюблене.

И ныне, Богородичен:

Пресвятая Богородице Дево, не возгнушайся наших песенных похвал, обаче благоутробно приими и Сыну Твоему и Богу нашему милостиво вознеси, да поставит нас одесную Себе в Страшный День Судный.

